


151
32
1

酒顛
全





酒顛題詞



淵明怒醉與漁父獨醒正
言若反即復哺糟啜糲所
謂寄大夢于枯棧而德義
之矩自在也顛何容易知

此則知文成之辟穀圖南
之爰睡皆真能顛者茂卿
其酒人之雄乎若夫醉鄉
之天地騰々兀々近于天
全微細披剝乃是無記所

酒顛序

昔米南宮見石便具袍笏
欲拜呼為丈人世號米顛
張長史狂來草聖以顛濡
墨極其奔放怒張之態既

醒自咤以為不可及世號張
顛夫顛者去彼黥劓適我
寥天即積唐野散之中真
骨自在甚矣顛之難也然
吾以為極顛之勝韻無如

酒矣涉古遺哲若東方生
海鷗武皇露醉翩僊小遺
便殿蔡中郎橫卧道上
名曰醉龍畢吏部盜飲
被縛劉伯倫動則挈榼

酒真
序
提壺而以二豪為裸羸所
謂顛於酒者非耶七雄
之世若荆卿高漸離酈
食其並游於酒人然易
水一歌悲風蕭蕭穀莽天

地漸離酒酣擊筑旁若
無人酈生以高陽酒徒而
談笑下齊猛於雄兵百萬
豈盡麴蘖之托而昏冥之
逃者獨醒人忌渾沌不死

風雅未喪代有畸人是故峴
山河朔豪雋之所馳情竹
葉葡萄風流之所激賞若
阮仲容跨馬傾欵觀者類
乘舩行波浪中李青蓮騎

繇上天而呼吸通於帝座竇
燕山不醉無歸夜半揚
鞭而金吾不問石學士之沉
冥而自品為鶴飲鼈飲囚飲
鬼飲亦顛之顛者笑數君

酒真
子而非顛誰當顛者微獨此
數君子即老羗一廐圍醉後
喜說王者興亡事曹山普化
一水田和尚而或以顛酒說法
或醉後喜作驢鳴此其顛

愈酣則愈放愈遠則愈奇
兀、騰、不可控搏其真按之
有色而窺之無際者乎以
斯知使酒罵坐腐脅酣身
饒其糟而啜其醜者得顛

之皮者也不倫不理若沉若
浮青山可埋則鍾可荷步
兵厨熟則礪魄可澆天命苟
如此則頭上之巾可漉換恬
意白與化為徒此所謂得

顛之骨者也昔人謂米顛不
可無一不可有二今所輯酒
顛若而人無乃濫觴乎夫拍
浮酒池六合為空何賢何聖
何濁何清入吾殼者共游其

酒真
顛即遮為君臣可也

水蓮道人夏樹芳識



酒顛小敘

夏茂卿撰酒顛侈引東方酈生
畢卓劉伶諸人以策酒勳辨哉
無以應矣予不食酒即飲未能
勝一蕉葉然頗諳酒中風味大

酒真
約太醉近昏太醒近散非醉非
醒如憨嬰兒胸中浩浩如太空
無纖雲萬里無寸草華胥無國
混沌無譜夢覺半顛不顛亦半
此真酒徒也畢忘盜未忘甕劉

忘埋未忘鋪俗人治生道人學
死聖人之教生榮而歿哀是皆
猶有生死在耳然則將何如樂
天不云乎吾嘗終日不食終夜
不寢以思無益不如且飲

友弟陳繼儒書於恕醉軒



Faint bleed-through text from the reverse side of the page, including characters like '天不... 吾嘗... 醉軒...'

酒顛目錄

上卷

持螯拍浮

登高落帽

一斛得涼州

三日不上省

婦人不聽

白叟獨全

江東步兵

兗州八伯

崑崙觴

青田壺



非類共飲

無偶相邀

時復中聖人

痛飲讀離騷

引著勝地

請贈醉侯

公明三斗

子幹一石

貴要廢人飲

形神不相親

抱甕釀

挂杖錢

鸚鵡裘就市

貫緼袍償之

西昌逸士

雲溪醉侯

求步兵因貯酒

愛僕射宜勿飲

一斗逍遙

三升可戀

甕大成

酒天地

幸為酒壺

速營糟丘

好事問奇

益酒止量

與騶對飲

召吏飲杖

飲盡踏銀海

醉如浪中船

醉龍

鶴觴

得秫不了麴蘖

談笑不及勢利

淵明大適

杰公善別

廢誠墓前自杖

依旨肆中求之

三斗壯膽

千日方醒

斗酒濯足

車輪刮頸

避賢樂聖

祠杜配焦

醉勝人醒

酒可忘憂

兄弟匡坐

石蘇相高

病葉狂花

囚星焚日

樂餘年

驅俗態

高陽池

蓮華碧

玉山傾

金甕貯

聲聞不醒

談諧不亂

醉語彌謹

酒言可喜

酒吃

酒筆

三日僕射

失一老兵

酒家南董

酒名和勁

醉吟九百首

俊逸為三絕

此中惟宜此物

業飲遑恤其他

青山白雲醉歿

下卷

一夕千觴

酒壚酣暢

醉聖

酒氣從指出

酒中三昧

九醞消腸

鬼峩我爾

賢鄙為酣

醉以頭書

酒因境多

子字其父

中酒味

碧筒杯

解憂不歎

金龜換酒

車轄投井

華獨坐

惡客漫郎

王坐墮幘

妻常對飲

巢飲海棠枝

漢書下酒

狂何必酒

釀具淫具

役夫與遊

甘苦沈淪

劇飲藻思

賜換骨醪

恐用不盡

夫婦善詩酒

狗竇中大叫

醉伏御筵

洪厓來飲

醉鄉日月

醉鄉無稅

歡飲無言

酒徒非儒

開愁鎖

驗醉鍼

飲有術

司業酒錢

每春顛飲

玉樹臨風

萬異冥

但言飲幾日

醉引金吾句

少游神物

癡漢戒飲

濁醪天地寬

飲量過當世

酒酣懷古人

莫測

通人達士累於此

俸餘無畱

三臙可活

呵掖撓睡

酒竭飲醋

哇鳴當鼓吹

甌醴成川渠

登屋歌哭

棧中遊妓

吐筮篲

每醉八日

酒鄉貧更入

捕博飲

醉髡

對酒思公榮

醉舞與狗鬪

黍麥低昂

再韻解嘲

河朔避暑

飲不醉錢無窮

欲傾家釀

每出飲數日

以酒濡髮歌

月給千壺

蓋汁美仙厨

交飲各數斗

二超

在省常醉

白雞盞

凝如綠玉

垂幃痛飲

門扉下出

茶癖酒狂

醉吟先生

簇酒

不齋醉如泥

飲以壺瓠

荊州三酒

華山對飲詩

發狂坐井中

醉有分別

南中女酒

叔夜杯景山鎗

酣釀川西

楚狂坐共中

陝州三西

不齋酒時

酒今未坐

門裏不出

幾吹絲玉

蘇東坡景山飲

酒不食限

酒時

酒時

酒時

酒時

酒時

酒顛上卷

延陵夏樹芳茂卿甫采輯

五茸陳繼儒仲醇甫增正

持螯拍浮

畢卓字茂世。為吏部郎。嘗云一手持蟹螯。一手持酒杯。拍浮酒池中。便足了一生。

登高落帽

孟嘉字萬年。好飲。桓宣武嘗問萬年何爲嗜酒。孟答曰。公但未知酒中趣耳。九日偕宣武宴龍山。酒酣落帽。著作郎孫盛爲文嘲之。

一斛得涼州

孟佗以菖蒲酒一斛遺張讓。卽拜涼州刺史。子瞻云。將軍百戰竟不侯。伯良一斛得

涼州。

三日不上省

皇甫亮三日不上省。文宣親詰其故。亮曰。一日雨。一日醉。一日病酒。

婦人不聽

劉伯倫病酒渴甚。從婦求酒。婦捐酒毀器。涕泣諫曰。君飲太過。非攝生之道。必宜斷

之伶曰甚善我不能自禁惟當祝鬼神自
誓斷之耳便可具酒肉婦曰敬聞命供酒
肉於神前請伶祝誓伶跪而祝曰天生劉
伶以酒爲名一飲一斛五斗解醒婦人之
言慎不可聽便引酒進肉隗然已醉矣。

白叟獨全

茅山元符宮有蘇養直像自贊其上曰松

風颼颼瘦藤在手惟此白叟獨全於酒。

江東步兵

張翰字季鷹縱任不拘時人號爲江東步
兵嘗曰使我有身後名不如卽時一杯酒。

兗州八伯

羊曼字祖延任達好酒與阮放等八人友
善時稱阮放爲宏伯郗鑿爲方伯胡母輔

之為達伯。卞壺為裁伯。蔡謨為朗伯。阮孚為誕伯。劉綬為委伯。而曼為黯伯。號兗州八伯。

崑崙觴

魏賈瑯家累千金。博學善著作。有蒼頭善別水。嘗令乘小艇於黃河中。接河源水以釀酒。名崑崙觴。曾以三十斛上魏莊帝。

青田壺

漢朱虛侯劉章。任俠善飲酒。烏孫國有青田核。如五六升瓠。空之盛水。俄而成酒。劉章曾得三焉。一核纔盡。一核又熟。可供二十客。名青田壺。

非類共飲

劉昶字公榮。與人飲酒。雜穢。非類。人或譏。

之答曰勝公榮者不可不與飲。不如公榮者亦不可不與飲。是公榮輩者又不可不與飲。故終日共飲而醉。

無偶相邀

袁粲字景倩在郡時疎放好酒嘗步屨白楊郊野間道遇一士人便呼與酣飲明日士人詣門求通粲曰昨日飲酒無偶聊相

邀爾勿復爲煩。

時復中聖人

徐邈字景山爲尚書郎時方禁酒而邈私飲至醉校尉趙達問以曹事邈曰中聖人達白太祖太祖怒鮮于甫曰臣聞酒清者爲聖人濁者爲賢人邈性修慎偶醉言耳後文帝幸許昌見邈問曰頗復中聖人否。

邈對曰。昔子反斃於穀陽。御叔罰於飲酒。臣嗜同二子。不能自懲。時復中之。帝大笑。曰。名不虛立。

痛飲讀離騷

王恭字孝伯。嘗言名士不必須奇木。但使常得無事。痛飲酒。熟讀離騷。便可稱名士。引著勝地。

衛軍王敬文曰。酒正自引人著勝地。

請贈醉侯

皮日休字襲美。一字逸少。性嗜酒。隱居鹿門山。山稅之餘。繼日而釀。自戲曰醉士。已居襄陽之洞湖。以船舶載醇酎。一甌往來湖上。遇興卽酌。復自諧曰。酒民有南海鬻魚殼尊一。涇峯獻角。內玄外黃。謂之訶陵。

樽題詩云他年謁帝言何事請贈劉伶作
醉侯。

公明三斗

管輅字公明。傾仰三斗而清辯綺粲。

子幹一石

盧植字子幹。身長八尺二寸。聲若洪鐘。飲
酒一石不醉。

貴要廢人飲

韓晉明好酒。誕縱朝廷。欲處之貴要地。必
以疾辭。告人云。廢人飲酒。對名勝。安能作
刀筆吏。披反故紙乎。

形神不相親

王佛大言三日不飲酒。覺形神不復相親。
自恃才氣。放酒誕節。居嘗慕王平子之為。

人婦翁嘗有慘。王乘醉弔之。婦翁慟哭。王與賓客十許人。連臂被髮裸身而入。繞之三匝而出。

抱甕釀

羊琇字稚舒。冬月釀酒。常令人抱甕。須臾復易人。酒速成而味絕。

挂杖錢

阮宣常步行。以百錢挂杖頭。至酒店便獨酣暢。雖當世貴盛。不肯詣也。

鷓鴣裘就市

司馬相如字長卿。還成都。以鷓鴣裘就市人。陽昌鬻酒。與文君為歡。

貫緼袍償之

吳孫濟嗜酒。屢欠酒家緡。顧謂人曰。尋常

行坐處欠人酒債。吾當貫緼袍償之。

西昌逸士

五代時郎詠隱西昌。採樵爲業。或擔入郡市。遇人買則曰。我西昌逸士。酒中人也。我今獻公所缺。公當惠我所無。

雲溪醉侯

种放字明逸。至性嗜酒。自號雲溪醉侯。嘗

種木自釀。曰空山清寂。聊以養和。

求步兵聞貯酒

阮籍字嗣宗。聞步兵厨中貯酒三百石。乃求爲步兵校尉。王孝伯嘗問王大阮籍何如。司馬相如。王大曰。阮籍胸中磊塊。故須酒澆之。

愛僕射宜勿飲

北齊李元忠以太常多美酒自中書令求
爲太常卿神武欲用爲僕射文襄言其放
達嗜酒其子操聞之請節飲元忠曰我言
作僕射不勝飲酒樂耳汝愛僕射宜勿飲
故人孫騰司馬子如嘗共詣元忠元忠方
坐樹下擁被對壺庭室蕪曠使婢卷兩褥
以質酒徐謂二人曰不意今日披藜藿也

一斗逍遙

韋瓊字敬遠雅性恬澹以酒自怡周文帝
時前後十見徵辟不就敕有司日給河東
酒一斗賜號逍遙公

三升可戀

王績字無功豪宕不羈每乘牛經酒肆輒
飲數日嘗曰恨不逢劉伶相與閉門轟飲

酒真 卷上
以周易老子置牀頭。暇則開卷命酌。作醉鄉記。及五斗先生傳。武德中待詔門下省。績弟靜爲武皇千牛。問曰待詔樂否。績曰待詔祿俸。殊蕭瑟。但良醞三升。差可戀耳。侍中陳叔達聞之。日給一斗。時號斗酒學士。

甕大成

雍都酒味各別。梁奉常和泉病於甘。劉拾遺玉露春病於辛。皇甫別駕慶雲春病於醞。光祿大夫韋炳取三家酒攪合。澄甯遂爲雍都第一。號甕宮集大成。

酒天地

河陽釋法常酷嗜酒。無寒暑風雨。嘗醉醉卽熟寢。覺卽朗吟。嘗謂同志曰。酒天虛無。

酒地綿邈。酒國安恬。無君臣貴賤之拘。無財利之圖。無刑罰之避。陶陶焉。蕩蕩焉。其樂不可得而量也。

幸為酒壺

鄭泉字文淵。博學有奇志。而性嗜酒。閒居嘗曰。願得美酒滿五百斛船。以四時甘脆置兩頭。反覆沒飲。酒有斗升。減隨卽益之。

不亦快乎。臨卒謂同類曰。必葬我陶家之側。庶百年後化而成土。幸見取為酒壺。實獲我心矣。

速營糟丘

陳暄文才俊逸。而沉酒過度。兄子秀致書止之。暄答曰。速營糟丘。吾將老焉。

好事問奇

揚雄字子雲家貧嗜酒人希至其門時有好事者載酒問奇字淵明詩子雲性嗜酒家貧無由得時賴好事人載醪祛所惑抱朴子云子雲手不離杯太玄乃就。

益酒止量

山濤字巨源飲酒至八斗方醉帝以八斗飲之又密益其酒濤極本量而止蜀中治

郫時嘗刳大竹釀醪醪作酒香聞百步外號郫筒酒。

與騶對飲

謝幾卿嘗預樂遊苑宴不得醉而還因詣道邊酒壚停車褰幔與車前三騶對飲在省署時夜著犢鼻褌與門生登閣道飲酒酣叫達曙。

江真 卷上 十三
召吏飲杖

何承裕爲盩厔咸陽二縣令。醉則露首跨牛趨府。往往召豪吏接坐。引滿。吏乘醉挾私白事。承裕曰：此見罔也。當受杖。杖訖復召與飲。

飲盡踏銀海

葉鈞大宴。有裴弘泰後至。罰以坐上小爵。

至航船。飲皆竭。有銀海受一斗。一飲而盡。踏其海。卷抱之。索馬徑去。

醉如浪中船

阮咸字仲容。醉騎馬傾欹。人皆指而笑曰：個老子。騎馬如乘船。行波浪中。

醉龍

中郎蔡邕。飲至一石。常醉在路上臥。人名

曰醉龍。

鶴觴

河東劉白墮善釀。六月以罌貯酒，暴日中。經旬不變。朝貴相餉，踰千里。號曰鶴觴。永熙中，青州刺史毛鴻攜塞上，遇賊飲以酒，卽醉。皆被擒。時人語曰：不畏張弓拔刀，惟畏白墮春醪。

酒稍取酒。郡將嘗候之。值其釀熟。卽取頭
上葛巾漉酒。漉畢還復著之。每醉則大適。
對客或先醉。便語客曰。我醉欲眠。君且去。

杰公善別

梁杰公豪飲善別酒。高昌國遣使獻蒲桃
乾凍酒。帝命杰公迓之。杰公謂使者曰。蒲
桃七是洿林。三是無半。凍酒非八風谷所

凍者。又有高寧酒。和之。使者曰。其年風災。蒲桃不熟。凍酒奉王急命。故非時耳。帝問。杰公何以知之。對曰。蒲桃是滄林者。皮薄。味美。無半者。皮厚。味苦。酒是八風谷凍成者。終年不壞。今嗅其氣酸。高寧酒滑而色淺。故云然。

廢戒墓前自杖

庾袞字叔褒。父在時常戒其飲酒。後每醉輒自責曰。余廢先人之戒。何以爲人。乃於墓前自杖三十。

依旨肆中求之

顏延之踈誕好酒。不能取容當世。文帝嘗召延之。不值。帝曰。但於酒肆中求之。依旨尋覓。果在酒肆。裸身自挽歌。了不應對他。

酒黨 卷一
日醉醒乃往。居恒好騎馬。過舊知。輒據鞍索酒。得酒必傾盡。意氣自若。嘗醉謁何尚之。尚之望見。便佯臥。延之發簾熟視曰。朽木不雕。尚之謂左右曰。此人醉甚可畏。

三斗壯膽

汝陽王璿於上前醉不能下殿。使人掖出之。璿曰。臣以三斗壯膽。不覺至此。家有酒

法號甘露經。嘗取雲夢石甃泛春渠。以蓄酒。作金銀龜魚浮沉其中。爲酌酒具。自稱釀玉兼麴部尚書。

千日方醒

劉玄石從中山沽酒。酒家以千日酒與之。抵家大醉。其家不知。以爲死矣。遂斂葬。酒家計滿千日當醒。遂往視之。發塚開棺。玄

石方醒起坐棺中。語云。玄石飲酒一醉千日。

斗酒濯足

馬周字賓王。初入京。至灞上。逆旅數公子飲酒。不顧周。周市斗酒濯足。衆異之。

車輪刮頸

黃門侍郎司馬消難。過高季式家。季式與

人酣飲。因留宿。重門並閉。取車輪括消難頸。又以一輪自括其頸。消難不得已。笑而從之。

避賢樂聖

李適之。京兆人。官太子少保。坐李林甫譖。落職。與親戚故人歡飲。賦詩曰。避賢初罷。相樂聖。且銜杯。有蓬萊盞。海山螺。舞仙螺。

瓠子卮。慢卷荷。金蕉葉。玉蟾兒。杜詩飲中八仙之一。

祠杜配焦

杜康善釀酒。王無功祠杜康。以大樂令史焦革配饗。

醉勝人醒

孔顛字思遠。山陰人。骨鯁有風力。以是非

為已。任歷御史中丞。雖醉日居多。而醒時判決未嘗壅眾。曰孔公二十九日醉。勝世人二十九日醒也。

酒可忘憂

顧榮字彥先。為齊王冏主簿。榮懼禍。終日酣昏。後為中書侍郎。不復飲。或曰何前醉而後醒耶。榮懼禍。乃更飲。榮嘗謂友人張

酒真 卷上 季鷹曰。惟酒可以忘憂。但無如作病何耳。

兄弟匡坐

阮孚字遙集。嗜酒。貌短而禿。周文帝愛之。嘗於室內置酒十瓶。瓶大一斛。上皆加帽。欲以戲孚。孚適入室。見卽驚喜曰。吾兄弟輩何爲入官家匡坐相對。宜早還宅。因持酒歸。文帝撫然大笑。嘗以金龜換酒爲臺。

司所糾。帝置不問。

石蘇相高

石曼卿字延年。與蘇舜卿輩一時以飲相高。名曰鬼飲。了飲。囚飲。鼈飲。鶴飲。鬼飲者。夜不以燒燭。了飲者。飲次挽歌哭泣而飲。囚飲者。露頭圍坐。鼈飲者。以毛席自裹其身。鶴飲者。一杯復登樹。下再飲耳。

病葉狂花

皇甫嵩字義真。以酒史自任。每對客飲。輒行射覆法。謂不可與飲者。爲歡場之害。馬。或有勇於牛飲者。以巨觥沃之。旣撼狂花。復彫病葉。飲流謂睡者爲狂花。睡者爲病葉。

囚星焚日問

衛元規酒後忤丁僕射。以書謝曰。自茲囚酒星於天獄。焚醉日於秦坑。

樂餘年

晉有羌人姚馥。字世芳。充廐圉。醉中好言王者興亾事。嘗渴於酒。羣輩呼爲渴羌。武帝授以朝歌守。馥願且爲馬圉。時賜美酒。以樂餘年。帝曰。朝歌紂之舊都。地有酒池。

故使老羌不復呼渴馥固辭遷酒泉太守
馥乘醉拜受焉。

驅俗態

太陽子不知何許人好酒常醉或問之曰
晚學俗態未除故以酒自驅耳。

高陽池

漢侍中習郁於峴山南依范蠡作養魚池。

池邊有高隄種竹及長楸芙蓉綠岸菱芡
覆水山簡每臨此池未嘗不大醉而還曰
此是我高陽池也襄陽小兒歌之曰山公
時一醉徑造高陽池日暮倒載歸酪酏無
所知復能乘駿馬倒著白接籬舉手問葛
疆何如并州兒疆其愛將并州人也

蓮花碧

房壽六月擣蓮花製碧芳酒。

玉山傾

中散嵇叔夜醉倒傀俄如玉山之將傾。

金甕貯

魏左相能治酒名釀醪翠濤常以金甕貯之得大宛國法十年而味不敗。

聲聞不醒

醉胡僧詩何年飲著聲聞酒直到而今醉不醒。

談諧不亂

柳公正字寒之身長八尺風神爽亮開皇初歷兵部司勳二曹侍郎善談諧飲酒至一石不亂。

醉語彌謹

酒真 卷一
梅聖俞字堯臣。飲酒自許。盞醉輒高。义手而語。彌温謹。

酒言可喜

莒公唐儉。爽邁少繩檢。以酒自豪。太宗謂儉酒杯流行。發言可喜。八字模寫酒韻。殆盡。

酒吃

焦遂口吃。對客不出一言。醉後酬酢如注。射時目爲酒吃。

酒筆

唐胡楚賓。秋浦人。屬文敏甚。必酒中然後下筆。高宗命作文。常以金銀杯斟飲之。文成輒賜焉。

三日僕射

吾居提也。居勅。兩也。又水斗。喪大記。以爲爲三。容四斗。

周顛字伯仁。風德雅重。深達危亂。過江積年。恒大飲酒。嘗經三日不醒。時人謂之三日僕射。

失一老兵

謝奕爲安西司馬。在桓溫坐岸幘笑詠。嘗逼溫飲。溫走入南康主門避之。奕遂攜酒就廳事。引溫一兵帥共飲。曰：失一老兵得

一老兵。亦何所怪。

酒家南董

大樂署史焦革善釀酒。有酒譜一卷。李淳風見而悅之。曰：此酒家南董也。

酒名和勁

唐子西在惠州。名酒之和者曰養生主勁者曰齊物論。後楊誠齋退居。名酒之和者

酒巖 卷一
日金盤露勁者曰椒花雨。

醉吟九百首

唐太子賓客白居易字樂天作酒功讚自號醉吟先生樂天詩凡二千八百首飲酒九百首。

俊逸爲三絕

太常馮惟一好飲酒每朝士宴集雖不召

亦自至酒酣彈琵琶彈罷賦詩詩成起舞時人愛其俊逸謂爲三絕。

此中惟宜此物

謝朓爲吳興別弟淪於征虜渚指淪口曰此中惟宜飲酒朓旣至郡致淪數斛酒遺書曰力飲此物勿預人事。

業飲遑恤其他

韓朝宗爲山南採訪使。謂孟浩然深閑詩律。因入奏。挾與俱行。約日引謁。會浩然有故人至。卽與劇飲。或言與韓公約。不當後期。浩然叱曰。業已飲矣。身行樂耳。遑恤其他。遂畢飲不赴。

青山白雲醉歿

傅奕相州人。善數學。自言其學不可傳。將

卒。自誌曰。傅奕青山白雲人也。以醉歿。

酒顛上卷終

酒巵下卷

延陵夏樹芳茂卿甫采輯

五茸陳繼儒仲醇甫補正

一夕千觴

孔融愛才結客。十歲謁李膺。十六留張儉。嘗有詩曰。歸家酒債多。門客粲幾行。高談驚四座。一夕傾千觴。與蔡邕素善。邕卒後

有虎賁士貌類邕。融每酒酣引同坐曰。雖無老成人。尚有典刑。

酒壚酣暢

王戎爲尚書令。著公服過黃公酒壚。謂後車客曰。吾昔與嵇叔夜阮嗣宗酣暢於此壚。自嵇阮云亡。便爲時所羈縻。今視此。雖近邈若山河。

醉聖

李白醉後行文轉竒。號醉聖。嘗云。予少時大人令誦子虛賦。私心愛之。及長南游雲夢。覽七澤之壯觀。醉隱安陸者十許年。玄宗嘗召白應制賦詩。置麴清潭。砌以銀粟。泥以石粉。貯三辰酒一萬車。以賜當制學士。

酒氣從指出

東坡志林云。吾見子明飲酒三蕉葉。吾少時望見酒盞而醉。今亦能三蕉葉矣。在惠州自造酒號羅浮春。定州得松膏釀酒號中山松醪。坡翁嘗自言曰。吾酒後乘興作數十字。覺酒氣拂拂從十指上出去也。

酒中三昧

黃魯直號山谷。嘗與黃聞善論酒中三昧。嘉陽張仲吉以酒壚爲業。魯直數將諸生過其家。或時把酒至夜漏下二十刻。與諸生衝雨踏泥而歸。

九醞消腸

張華字茂先。爲九醞酒。以三薇漬麴蘖。蘖出西羌。麴出北胡。胡中有指星麥。釀酒醇

酒真 卷下
暢間里歌曰。寧得醇酒消腸。不與日月齊光。

鬼峩我爾

北齊盧思道。小字釋奴。嘗曰。長安酒賤。斗價三百。能可鬼峩我。不可令鬼峩爾也。

賢鄙為酣

元德秀嗜酒陶然。彈琴自娛。人以酒榼從之。不問賢鄙為酣飲。

醉以頭書

張長史字伯高。每大醉。叫呼狂走。乃下筆。或以頭濡墨而書。既醒。自視以為神。不可復得也。世號張顛。李頎詩。張公性嗜酒。豁達無所營。露頂據胡牀。長叫三五聲。

酒因境多

酒真 卷下
魏肇師曰。徐君房年隨情少。酒因境多。

子字其父

胡毋輔之好豪飲。其子謙之醉字其父曰。彥國年高不宜過飲。將令我尻背東壁。彥國遂呼入與共飲酒。各極其醉。

中酒味

宋太素尚書中酒詩。靜嫌鸚鵡鬧。渴憶荔

枝香。病與慵相續。心和夢尚狂。非真中酒者。不能知此味。

碧筒杯

歷城北有使君林。魏正始中鄭公愨。三伏之際。每率賓僚避暑於此。以簪刺蓮葉。令與柄通。輪菌如象鼻。傳吸之。名碧筒杯。

解憂不灰

東方朔字曼倩。嘗醉入殿中小遺殿上。劾大不敬。免爲庶人。方朔別傳曰。武帝幸甘泉長平坂。道中有蟲。赤如牛肝。頭目口齒悉具。人莫之識。時朔在屬車中。令往視焉。朔曰。怪哉。是必秦獄處也。上使按地圖。果秦獄地。上問朔何以知之。朔曰。此積憂所致。夫積憂者。得酒而解。乃取蟲置酒中。立消。賜朔帛百匹。又張華博物志曰。君山上。有美酒數斗。飲者不歿。武帝遣欒巴求。果得之。方朔曰。臣識此酒。請視之。因一飲。至盡。帝欲殺朔。朔曰。殺朔若歿。此爲不驗。以其有驗。殺亦不歿。乃赦之。

金龜換酒

秘書郎賀知章。一見李白。呼爲謫仙人。以

酒真 卷一
金龜換酒共飲長安市中。知章後忽鼻出黃膠數盆。醫者謂飲酒之過。

車轄投井

奮威侯陳遵字孟公嗜酒。每大宴客。取車轄投井中。客有急不得去。酒酣與寡婦共謳歌。跳梁起舞。

華獨坐

華歆字子魚。仕魏爲御史。而清貧自若。能劇飲。至石餘不散。號華獨坐。

惡客漫郎

元結字次山。紫芝族弟。祿山反。避亂入猗玕洞。自稱猗玕子。以不飲酒爲惡客。自稱漫郎。嘗載酒石魚湖上。醉中據湖岸。引臂向魚取酒。盡舫載之。徧飲坐者。得武昌黑

石中坳如樽狀。相傳是陶侃所遺。結修之。以藏酒。又浯溪石上窰樽。亦次山所鑿。

王坐墮幘

庾敬字子嵩。見晉室多難。終知嬰禍。乃沉酒於酒。於東海王越坐墮幘几上。

妻常對飲

沈文季字伯達。出爲吳興太守。文季飲酒

至五斗。妻王氏飲亦至三斗。常對飲竟日。而視事不廢。

巢飲海棠枝

徐佺隱藥肆中。結巢海棠枝上。巢飲其間。

漢書下酒

蘇舜欽字子美。豪放不羈。好飲酒。在外舅杜祁公家。每夕讀書。以一斗爲率。公使人

密覘之聞子美讀漢書張良傳至良與客
 徂擊秦皇帝誤中副車遽撫掌曰惜乎不
 中遂滿引一大白又讀至良曰始臣起下
 邳與上會於留此天以授陛下又撫案曰
 君臣相遇其難如此復舉一大白公聞之
 大笑曰有如此下酒物一斗不足多也

狂何必酒

司隸蓋次公宴許伯第曰無多酌我我則
 酒狂丞相魏侯笑曰次公醒而狂何必酒
 也

釀具淫具

蜀簡雍字憲和跌宕風雅少與先主善時
 天旱禁酒吏於人家索得釀具即按其鼻
 雍與先主遊觀見男女行道上謂先主曰

彼人欲行淫。何以不縛。先主曰。何以知之。
對曰。彼有其具。與欲釀者同。先主大笑而
原欲釀者。

役夫與遊

郭恕先字忠恕。被謫貶官。時與役夫小民
入市肆飲。曰。吾所與遊。皆子類也。

甘苦沈淪

曹植字子建。七啓云。春清縹酒。康狄所營。
彈徵則苦發。扣宮則甘生。植骯髒不得志。
頗沉淪於酒。曹仁爲關羽所圍。太祖以植
爲南中郎將。征虜將軍。植醉不能受命。乃
止。

劇飲藻思

李百藥字重規。性喜劇飲。藻思沉鬱。

賜換骨醪

裴晉公治第集賢里。與白樂天劉夢得把酒為歡。不問人間事。憲宗嘗採鳳李花釀換骨醪。晉公平淮西。回黃帕金瓶。遠賜二斗。

恐用不盡

郭璞奇博多通。文藻粲麗。才學賞豫。足參

上流而訥於言。形質頽索。縱情嫚惰。時有醉酒之失。友人于令升曰。此伐性之斧也。璞曰。吾所受有分。恒恐用之不盡。豈酒色之能害。後王敦縱兵都輦。乃咨以大事。璞極言成敗。不為回屈。敦忌而害之。著幽思篇。

夫婦善詩酒

陸龜蒙字魯望。自號江湖散人。病酒再期。乃已。中酒賦曰。翦雲夢。豈採泮宮芹。周子之菘。向晚。庾郎之薤。初春。加以歐川桂蠹。潁谷榆人。雖馳心於品物。且忘味於茲辰。妻蔣氏長於文辭。亦善酒。姊妹勸節酒。強食。蔣應聲曰。平生偏好飲。勞汝勸加餐。但得樽中滿。時光度不難。

狗竇中大叫

光逸字孟祖。避難渡江。投胡毋輔之。屬輔之與謝琨諸人散髮裸袒。閉室酣飲。逸將排戶直入。守者不聽。逸便於戶外。脫衣露頂。於狗竇中窺之。大叫。輔之驚曰。他人決不能爾。必我孟祖。遂呼入共飲。

醉伏御筵

蕭琛字彥瑜。仕梁嘗醉伏御筵。武帝呼爲宗老。每自解竈事。事畢餞餘。便陶然致醉。洪厓來飲。鄴侯李長源嘗命家人灑掃庭內。稱洪厓先生來飲。麻姑酒。

醉鄉日月

皇甫松醉鄉日月曰。凡醉各有所宜。醉花。

宜晝。襲其光也。醉雪。宜夜。度其潔也。醉樓。宜暑。資其清也。醉水。宜秋。泛其爽也。

醉鄉無稅

竟陵劉虛白擢進士第。嗜酒。有詩云。知道醉鄉無戶稅。任他荒却下丹田。

歡飲無言

靖安李少師宗閔。雖居貴位。不以威重隔。

物與賓僚飲宴。曲盡布衣之歡。暑月臨水。以荷為杯。滿酌密繫。持近人口。以筋刺之。不盡則重飲。燕散有人言。昨飲大歡者。公曰。無論好惡。一不得言。

酒徒非儒

酈食其好讀書。家貧落魄。里中謂之狂生。嘗衣儒衣謁高帝。帝謝曰。未暇見儒人。食

其按劔叱使者曰。我高陽酒徒。非儒也。遂延入。

開愁鎖

繁舉字彥舉。性嗜酒。工詩。客京師十餘年。竟流落以死。同時有鄭雲表者。慕彥舉之為人。作詩挽之。云。形如槁木。因詩苦眉鎖。愁山得酒開。人以為寫真云。

驗醉鉞

劉荊州景升有酒爵三大曰伯雅容七升次曰仲雅容六升少曰季雅容五升嘗設大鉞於杖端客有酒輒剡之以驗醉醒。

飲有術

王瞻字思範仕梁為吏部尚書每飲或彌日而精神朗贍不廢簿領武帝每稱瞻有

三術射棊酒也。

司業酒錢

鄭虔唐廣文博士文章書畫玄宗稱為三絕飲酒不事事數為官長所罵惟蘇源明重其才時時餉給之杜甫詩賴有蘇司業時時與酒錢

每春顛飲

長安進士鄭愚與劉參郭保衡王冲張道
隱等十數輩每春時選妓三五人乘小犢
車詣名園曲沼叫笑喧呼自名顛飲

玉樹臨風

崔宗之爲侍御謫金陵與李白月夜泛采
石詩酒倡和皎如玉樹臨風觀者羨之

萬異冥

戴逵字安道酒讚云醇醪之興與理不乖
古人旣陶至樂乃開目絕羣動耳隔迅雷
萬異旣冥惟無有懷

但言飲幾日

張安道字方平未第時貧甚然意氣豪舉
未嘗少貶與劉潛李冠石曼卿飲初不言
盞數但言當飲幾日

酒真
卷下
醉引金吾句

竇儼字望之。爲三司鹽鐵使。與梁顥胡旦
嘗會飲於趙昌言樞密第。儼每乘醉夜半
方歸。金吾吏候馬首聲喏。儼以醉鞭指其
吏曰。金吾不惜夜。玉漏莫相催。

少游神物

秦少游飲酒詩。左手持蟹螯。舉觴屬雲漢。

天生此神物。爲我洗憂患。山川同恍惚。魚
鳥共消散。客至壺自傾。欲去不容間。又有
飲酒口號。平原居士今無影。鸚鵡洲空誰
舉杯。猶有漁陽搥撾鼓。爲君醉後作輕雷。
癡漢戒飲

吳衍好飲酒。後以醉詬權貴。戒飲。阮宣以
拳敲其背曰。老癡漢。忍斷杯中物耶。抑

而飲之。

濁醪天地寬

杜牧字牧之。詩曰：濁醪氣色嚴。皤腹瓶甕古。酣酣天地寬。怳怳嵇劉伍。

飲量過當世

張端公字伯玉。飲量過當世。有一士人負豪飲求謁端公。公與共酌數斗。士人辭醉。

端公笑曰：量止此乎。遂自滿飲數十舉。一掃詩百篇。為范文正重客。

酒酣懷古人莫測

杜甫酒量詩才與李白齊名。嘗從白及高適過汴州。酒酣登臺。慷慨懷古人莫測也。結廬成都草堂。與田畯野老相狎。蕩詩云：田翁逼社日。邀我嘗春酒。呼婦開大瓶。盆

中爲我取。每田父索飲，必使之畢，其歡而後去。

通人達士累於此

祖台州與王荊州書云：君須復飲，不廢止之，將不獲已耶？通人達士累於此物。

俸餘無畱

諫議陽城字亢宗，與二弟延賓客，日夜劇

飲，每約二弟，吾所俸入可度，月入米幾何，薪鹽幾錢，餘送酒家，無畱也。

三臟可活

艾子常醉，門生私語曰：是不可諫止，當以險事休之。一日飲噦，門生密置豕腸示艾曰：凡人具五臟，今師飲而出一臟，何以生耶？艾子熟視笑曰：唐三藏猶可活，况四臟。

酒真
耶

呵掖撓睡

毛炳隱廬山。嘗醉臥道旁。有人掖之。炳呵曰。醉者自醉。醒者自醒。急去。勿撓吾睡。

酒竭飲醋

定陶劉潛。卓逸喜豪飲。與石曼卿友善。時曼卿通判海州。潛訪之。會於石闥堰。與潛

劇飲。中夜酒竭。船中有醋斗餘。傾入酒中。併飲之。明日酒醋俱盡。

蛙鳴當鼓吹

孔穉珪字德璋。官太子詹事。風韻清疎。飲酒可七八斗。性喜獨酌。門庭之內。草萊不翦。時有蛙鳴。笑謂客曰。以此當兩部鼓吹。

甌醴成川渠

傅玄字休奕。飲酒可至石餘。所著酒賦。飲者杯無算。甌醴成川渠。

登屋歌哭

饒節字德操。少有大志。既不遇。縱酒自晦。或數日不醒。醉時往往登屋危。浩歌慟哭。達旦乃下。

棧中游妓

陶穀學士字秀實。小字鐵牛。家有魚英酒盞。中現園林美女象。散騎常侍黃霖曰。陶翰林甌裏熏香。棧中游妓。可謂好事矣。

吐筮筴

姚巖傑號象溪子。聰悟絕倫。頗放於酒。咸通中與盧肇會於江亭。時蒯希逸在席。肇請卽席爲令。尾括樂器名色。肇曰。遠望漁

酒真 卷下
舟不闊尺八巖傑時飲酒一器凭欄嘔噦
應聲曰凭欄一吐已覺空喉

每醉八日

元魏崔儵字岐叔每一醉八日

酒鄉貧更入

盱江李覲字泰伯善飲有一士人亦滑稽
而好飲聞有饋李酒者以詩投李李喜甚

留飲數日酒盡方去他日士人又聞有饋
李酒者復作詩投之李讀畢謂曰前有酒
本擬留作數日君至一飲遽盡索莫者累
日公之論固佳此酒不可復得也泰伯嘗
寄陳殿撰詩云酒鄉貧更入詩債病猶還
一時誦之

蒲博飲

酒真 卷下
語林。崔顥好痛博飲酒。

醉髡

僧可朋好飲酒。每索酒債無償。則以詩賙之。自號醉髡。有詩千餘篇。名玉壘集。

對酒思公榮

裴伯茂嗜酒踈傲。以傷性致隕於家園。友人常景。李渾。王昕。盧元明。魏季景。李騫。皆

一時名傑。於墓旁致酒。一飲一酬。曰裴中書。竟而有靈。知吾曹也。乃各賦詩一篇。時魏收在晉陽。爲詩敘伯茂云。臨風想玄度。對酒思公榮。

醉舞與狗鬪

檀長卿醉後。作沐猴舞。與狗鬪爲樂。

黍麥低昂

王昕字元景。嘗大醉。楊遵彥謂之曰。何大
低昂。元景曰。黍熟頭低。麥熟頭昂。黍麥俱
有。所以低昂。昕弟晞嘗共盧師道。襍飲賦
詩曰。日落應歸去。魚鳥見留連。時常山王
遣使召晞。晞不時至。明日在丞相西閣。思
道謂晞曰。昨被召已。朱顏得不以魚鳥致
怪。晞笑曰。昨晚陶然。頗以酒漿被責。卿輩

亦是留連之一物。豈直魚鳥而已。

再韻解嘲

辛幼安號稼軒。與陳同父躍馬定交。風流
豪飲。嘗賦沁園春止酒。後城中諸公載酒
入山。幼安復破戒沉醉。再韻前調解嘲。

河朔避暑

袁紹字本初。在河朔每至三伏。晝夜酣飲。

以避一時之暑。號河朔飲。紹愛士養名。朱
駟紫轂。填咽街陌。

飲不醉錢無窮

泉南林外。字豈塵。詞翰瀟爽。飲酒無算。每
暇日游西湖。坐小旗亭。獨飲。腰間藏虎皮
錢篋數枚。凡飲數斗不醉。而篋中之錢若
循環無窮。角巾鶴氅。飄飄若神仙焉。

欲傾家釀

何克字次道。劉真常云。見何次道飲酒。使
人欲傾家釀。以克飲酒温克故。

每出飲數日

許古字道真。性嗜酒。每乘舟出村落間。留
飲十數日不歸。醉後賦小詞曰。濁醪蕩得
玉爲漿。風韻帶橙香。持杯笑道。鷺黃似酒。

酒似鷺黃。世緣老矣。不思量。沉醉又何妨。
臨風對月。山歌野調。儘我疎狂。

以酒濡髮歌

趙子固號彞齋。清放不羈。好飲酒。醉則以
酒濡髮。歌古樂府。自執紅牙。以節曲。

月給千壺

陸務觀恃酒頽放。自號放翁。作詞云。橋如

虹水如空。一葉飄風。煙雨中。天教稱放翁。
一夕夢故人相語曰。我為蓮花博士。鏡湖
新置官也。我去矣。君能暫為之乎。月得酒
千壺。亦不惡也。遂以詩記之曰。白首歸修
汗簡書。每因囊粟歎侏儒。不知月給千壺
酒。得似蓮花博士無。

壘汁美仙厨

翰林蘇易簡性嗜酒。太宗嘗以詩戒之。入直雖不敢飲。在私第未嘗不醉。及其死。太宗曰。易簡果以酒敗。可惜也。直講筵時。上問食品稱珍。何物爲最。易簡曰。臣止知糝。汁爲美。太宗笑問其故。曰。臣憶一夕寒甚。擁爐圍火。痛飲大醉。咽吻燥渴。時中庭月明。殘雪中覆。一糝益遂。鞠雪盥手。亟引數

甌。自謂上界仙厨。殆恐不及。太宗笑而然之。

交飲各數斗

侍中謝滄字義潔。於建武初。以長酺爲事。與劉瑱沈昭略觴酌交飲。各至數斗。一日與劉勔子俊同飲。俊曰。謝莊兒不可云不能飲。滄曰。苟得其人。自可沈湎千日。

二超

檀超字悅祖。性嗜酒。自比晉郗超。爲高平二超。

在省常醉

謝超宗恃才使酒。多所凌忽。爲齊高帝黃門郎。在省常醉。出爲南郡王中軍司馬。

白雞盞

柳亨飲未醉。造白雞盞。取其迅速。

凝如綠玉

有一客僧。長慶中宿一寺。呼淨人酤酒。寺僧怒。奪瓶擊之。其瓶百碎。酒卽凝滯。着樹如綠玉。搖之不散。有一僧知者云。某嘗持般若經。須預飲此物一杯。卽諷詠瀏亮。乃將瓶就樹盛之。其酒盡落器中。奄然流啜。

斯須器竄酣暢矣。

垂幃痛飲

南唐常楚錫爲翰林。剛正不附近貴。或曰公剛直私門何以爲樂。常曰垂幃痛飲而已。

門扉下出

寇萊公字平仲。有飲量。在中書多召兩制。

就第飲宴。每宴必闔扉輟驂以留之。李宗諤被醉嘗於門扉下竊出。得馬而走。後宗諤爲修宮使。恩顧漸深。一日召至玉宸殿賜酒。宗諤堅辭以醉。上令中使附耳語云。此中不須從門扉下出。

茶癖酒狂

陸羽字鴻漸。鄧利云。陸羽茶既爲癖。酒亦

稱狂。

醉吟先生

郭祥正字功父。隱於青山。所居有醉吟庵。亦自作醉吟先生傳。

簇酒

辛洞好酒而無資。嘗攜榼登人門。每家取一盞投之。號爲簇酒。

不齋醉如泥

周澤字穉都。爲太常。清潔循行。時人爲之語曰。一歲三百六十日。三百五十九日齋。一日不齋。醉如泥。

飲以壺瓠

卞彬字士蔚。飲以壺瓠。杭皮爲肴。

荊州三酒

陶侃字士行。少有酒失。母湛氏嘗戒止之。
爲荊州都督。有齋中酒。廳事酒。猥酒。

華山對飲詩

鄭遨字雲叟。隱於華山。與羅隱終日怡然。
對飲。有飲酒詩二十章。

癡狂坐井中

潘谷元豐間人。山谷嘗以錦囊貯其墨半

丸。飲酒癡狂。赴井。跌坐井中。坡翁詩。一朝
入海尋李白。空看人間畫墨仙。

醉有分別

法明師不知何許人。落鳧嗜酒。善唱柳枝
詞。人以醉和尚稱之。師曰。我醉且醒。君醉
奈何。自述一偈云。平生醉裏顛蹶。醉裏却
有分別。今朝酒醒何處。柳岸曉風殘月。

南中女酒

房鵠舉字千里。太和中進士。幼負才略。恣意文酒。所著投荒錄云。南方有女數歲。積米釀酒。候彼水竭。置壺中密固其上。待女將嫁。始決水取之。供客。味殊絕。謂之女酒。

叔夜杯景山鎗

宋何點字子皙。隱於武丘山。竟陵王子陵。

遺以嵇叔夜之杯。徐景山之酒鎗。

酣釀川

漢鄭弘字巨君。爲靈文鄉嗇夫。行官京洛。未至。宿一埭。埭故名沉釀。弘適於埭。逢故舊。四顧荒郊。無貰酒處。乃以錢投水中。依口而飲。飲盡酣暢。因更爲沉釀川。

酒顛卷下終

酒顛補目錄

上卷

遺冠雪政

夜辱樂身

馬用聖人

易內而飲

窟室夜飲

聖賢能飲

晁歡一石

司諫醉舞

禁中大噓

士卒淪沒

去衣露形

遠別能飲

不用常杯

糟肉堪久

自號上頓

建康醇美

文飲兩美

生活似勝

師阮步兵

盜竊求乞

鹽酒同味

髻金叵羅

醉舞不止

莫吐相茵

從事沐帥

麴蘖摧人

二盤無餘

簇器並飲

欲視別腸

飲冬瓜片

後宮醉妝

君臣懽笑

飲玉蓮杯

飲人狂藥

花前醉鄉

紅友黃封

杯賢杓聖

白擲劇飲

歌呼和吏

水灑羣臣

甕縛吏部

酣法何得

糟漿逆鼻

醺遊玄圃

神全不懼

酒池肉林

抵破書案

面折同列

搏擊左右

携樽登覽

宣勸灌歠

洗梨花妝

濯麴蘖腸

鼻尖挑魔

毛髮識味

携聽黃鸝

中奪履飲酒

每日邀賓

爭春大宴

量廣鷄舌

醉用鮫胎

少延清歡

一客一婢

金牌滿座

吞花臥酒

鹿腸懸注

雙珠為吉

九吐為神

烏梅解醒

毛詩代燭

晚年舊好

爭豪歌舞

花露潤肺

中卷

酒之始終

酒之好惡

古名醴醕

始作醪味

五齊之名

九醞之法

天之美祿

人之歡伯

釀飲諸名

華夷眾品

蘭英

桑落

玉薤

醕醪

鄴淥

郟筒

箬下

宜城

曲阿

梨花

竹葉

君山

蓬萊

金液

玉饋

琬琰之膏

瑤琨之碧

玄碧之香

瓊胎

瓊蘇

仙漿

瑞露

洪梁

千里

不楛汁

龍膏

澄明

露漿桂醞

停花懸樹

椒花

潘汁

夷釀

舉白浮君

三三兩兩

駝馱鼉

白玉石

字旁爲率

體物押韻

卦名證人

鵲尾指人

鶴足傾側

自暖杯

又

破壺杯

碧瑤杯

鴻臚卮

下卷

飲酒二首

晉陶潛

對酒

梁張率

田飲引

梁朱异

對酒

陳張正見

獨酌謠

陳沈炯

賜魏證

唐太宗

看釀酒

唐王績

詠酒

唐李嶠

飲中八仙歌

唐杜甫

湖中對酒

唐張謂

待酒

唐李白

山中與幽人對酌

唐李白

獨酌

唐李白

月下獨酌三首

唐李白

將進酒

唐李白

將進酒

唐李賀

與諸客空腹飲

唐白居易

何處難忘酒二首

唐白居易

不如來飲酒四首

宋白居易

勸酒

宋白居易

勸酒

唐孟郊

勸酒

唐李敬方

勸酒

唐武 瓘

酒中十詠

唐陸龜蒙

容南太守合酒詩

宋羅大經

月下傳杯

宋楊萬里

酒箴

漢楊 雄

與曹操書

漢孔 融

又書


孔 融

與兄子秀書

宋陳 暄

酒類補遺目錄終

酒顛補卷上



酒顛補卷上

茸城眉公陳繼儒采輯

遺冠雪政

以下七十二則補敘酒人

齊桓公飲酒。醉遺其冠。恥之。三日不朝。管仲曰。公胡不雪之以政。公曰善。因發倉廩。賜貧窮。論囹圄。出薄罪。處三日。而民歌之。曰。公胡不復遺其冠乎。韓子

夜辱樂身

景公飲酒移於晏子之家晏子立于門曰國得無有故乎君何爲非時而夜辱公曰酒醴之味金石之聲願與夫子樂之晏子曰臣不敢與焉公乃移於司馬穰苴之家穰苴荅如晏子公復移于梁丘據據左執琴右擁箏行歌而至公曰樂哉無彼二子

何以持國無此一臣何以樂身

春秋

焉用聖人

臧武仲如晉雨過御叔御叔在其邑將飲酒曰焉用聖人我將飲酒而已雨行何以

聖爲

左傳

易內而飲

齊慶封好田而嗜酒以其內實遷于盧蒲

滄真神 卷一
嬖氏易內而飲酒。注云。內實寶物妻妾也。

移而居嬖家。左傳

窟室夜飲

鄭伯有嗜酒。爲窟室而夜飲。擊鐘焉。朝至

未已。注云。窟室地室。左傳

聖賢能飲

平原君強子高酒曰。昔有遺諺。堯舜二鐘

孔子百觚。子路嗑嗑尚飲十榼。古之聖賢

無不能飲。吾子何辭焉。孔子叢子

最歡一石

齊威王置酒後宮。問淳于髡曰。先生能飲幾何而醉。對曰。臣飲一斗亦醉。一石亦醉。王問故。髡曰。賜酒大王之前。執法在前。御史在後。髡恐懼。飲不過一斗。徑醉矣。若乃

履舄交錯。杯盤狼籍。堂上燭滅。主人留髡而送客。羅襦襟解。微聞薜澤。當此之時。臣心最歡。能飲一石。史記

司諫醉舞

紹興中。王鈇帥番禺。有狼籍聲。朝廷令司諫韓璜往廉按。王憂甚。有妾故錢塘倡也。王告之故。妾曰不足憂。璜舊遊妾家。最好

歡。強邀之飲。妾當敗其守。已而韓至。王郊迎不見。入城見。不交一談。次日報謁。王宿治具於別館。固請乃許。水陸畢陳。妓樂大作。既而王麾去妓樂。迎入後堂劇飲。酒半。妾於簾內歌韓昔日所贈之詞。韓聞之。狂不自制。即欲見之。妾隔簾故邀其引滿。再三。終不肯出。韓心益急。妾曰。司諫曩在妾

家最善舞。今日能為妾舞。即當出。韓醉甚。即索舞衫。塗抹粉墨。踉蹌而起。忽跌于地。王亟命索輿扶掖而登。歸寢。酒醒覺衣衫牽絆。索燭覽鏡。羞愧解去。不復有所問。鶴林

玉露

禁中大噓

富平侯張放淳于長等。成帝愛幸。入侍禁

中。設宴飲之會。及趙李諸侍中引滿舉白。

談笑大噓。漢書

士卒淪沒

苻堅使呂光討西域。至龜茲。胡人厚於養。家有蒲萄酒。或至千斛。十年不敗。士卒淪沒酒藏者相繼矣。晉書載記

去衣露形

孝靈末百司酒酒千文一斗常侍張讓子奉為太醫令與人飲輒去衣露形為樂也典論

遠別能飲

邴原辭家求學八九年間酒不向口臨別師友以原不飲酒會米肉送原原曰本能飲但以荒思廢業故斷之耳今當遠別因

見貺餞可以燕飲於是共坐飲酒終日不

醉魏志

不用常枵

諸阮皆能飲酒仲容至宗人間共集不用常枵斟酌以大甕盛酒圍坐相向大酌世說

糟肉堪久

孔羣好飲酒王丞相語云卿何恒飲酒不

見酒家覆瓿布日月糜爛羣曰不爾不見
糟肉乃更堪久世說

自號上頓

王忱嗜酒醉輒經日自號上頓世嗔以大
飲爲上頓起自忱也宋書

建康醇美

顧憲之元徽中爲建康令爲政甚得人和

故都下飲酒醇旨者號爲顧建康謂其清
且美也宋書

文飲席兩美

梁武帝招延後進二十餘人置酒賦詩臧
盾以詩不成罰酒一斗飲盡顏色不變言
笑自若蕭介染翰便成文無加點帝兩美
之曰臧盾之飲蕭介之文卽席之美也梁書

生活似勝

胡叟少聰敏披讀羣籍再閱于目皆誦于口蓬室草筵惟以酒自適謂友人宗舒曰我此生活似勝焦先

魏書

師阮步兵

李元忠雖處要任不以物務干懷唯以聲酒自娛園庭羅種果藥親朋尋詣必留連

宴賞每挾彈携壺遊遨里閭每言阮步兵吾師也孔少府豈欺我哉

北史

盜竊求乞

齊郡王簡性好酒不能理公私之事妻常氏幹綜家事頗節簡飲乃至盜竊求乞婢侍卒不能禁

北史

鹽酒同味

太宗引崔浩論事。語至中夜大悅。賜浩縹醪酒十斛。水晶戎鹽一兩。曰。朕味卿言。若此鹽酒。故與卿同其味也。魏書

髻金叵羅

齊著作郎祖珽。有文字。多技藝。而粗率無行。嘗因宴醉。失金叵羅於珽。髻上得之。北齊書

書

醉舞不止

孫權請顧雍父子及孫譚。時為選曹尚書。見任貴重。是日孫權忻。譚醉酒三起舞。舞又不知止。雍明日召譚訶責之。江表傳

莫吐相茵

林蘊仕不稱意。縱酒自適。多忤時政。白居易贈詩戒之曰。世上如今重檢身。吾儕恃

酒似狂人西曹舊日多持論慎莫吐他丞

相茵

閩中才子傳

從事沐帥

武元衡帥西川大宴從事楊嗣復狂酒逼元衡大觥不飲遂以酒沐之元衡拱手不動沐訖徐起更衣終不令散宴乾牒子

麴蘖摧人

崔櫓酒後失以詩謝虔州陸郎中肱曰醉時顛蹶醒時羞麴蘖摧人不自由叵耐一雙窮相眼不堪花卉在前頭撫言

二盤無餘

王源中文宗時為翰林承旨暇日與昆季擊毬誤中源中額有損俄有急召上訝之源中實以上聞上命賜酒二盤每盤十金

酒真神 卷上
碗每碗容一升許。宣令并碗賜之。源中飲之無餘。略無醉容。據言

族器並飲

朱溫初兼四鎮。蜀遣潘炕持聘。炕每讌飲。禮容益恭。溫飲酣謂曰。押衙能飲一盤器物乎。炕曰不敢。乃族在席。器皿次第注酌。炕並飲之。愈溫克。溫謂其歸館多應傾瀉。

困臥遣人偵之。炕簪筍簪冠。秤所得袍物。

北夢瑣言

欲視別腸

閩主延曦與翰林學士周維岳嘗會飲。極酣。因顧左右曰。維岳身軀甚小。能飲如許酒。左右曰。酒有別腸。非可以肌體論。延曦欣然。使拽維岳下殿。將取別腸而視之。左

右善對曰。今侍奉飲樂。惟維岳最有殊量。取其別腸。是無可陪奉者。延曦然之。獲免。

五國故事

飲冬瓜片

閩王延曦。審知之子也。即位後。為長夜之飲。以銀葉為酒杯。賜飲羣下。銀葉即柔弱。因目之為冬瓜片。又名之曰醉如泥。酒既

盈。不復置他所。惟飲盡。乃可置之。

五國故事

後宮醉妝

後蜀王衍。後宮皆戴金蓮花冠。酒酣。免冠。其髻鬢然。更施朱粉。號醉妝。國中人均效

之。五國故事

君臣懽笑

宋真宗嘗曲宴羣臣於太清樓。君臣懽笑。

無間忽問酈沽中貴人以實價對上遽問
近臣唐酒價惟丁晉公奏曰每斗三百上
曰安知丁曰臣嘗讀杜甫詩云速來相就
飲一斗恰有三百青銅錢是知一斗三百
上大喜。玉壺清話

飲玉蓮杯

王末年嘗置酒延竇卞楊繪於室出其妻

間坐妻以左右手掬酒以飲卞繪謂之白

玉蓮花杯

竇子野酒譜

飲人狂藥

長水校尉孫季舒嘗與石崇酣燕傲慢過
度崇欲表免之裴楷聞之謂崇曰足下飲
人狂藥責人正禮不亦乖乎。楷傳

花前醉鄉

許碯遍遊名山嘗作詩曰閨苑花前是醉鄉誤翻王母九霞觴羣仙拍手嫌輕薄謫向人間作酒狂列仙傳

紅友黃封

常州宜興縣黃土村東坡南還北歸常與單秀才步月至其地地主携酒來餉曰此紅友也坡曰此人知有紅友而不知有黃

封可謂快活鶴林玉露

杯賢杓聖

壺隱仙人嘗吟詩曰杯賢與杓聖與我萬

戶封樹萱錄

白擲劇飲

元行恭少頗驕恣父文遙令與盧思道交遊文遙嘗謂思道曰小兒微有所知是大

弟之力。然白擲劇飲。甚得師風。思道答云。大郎神情俊邁。自是克符堂構。而白擲劇飲。亦天性所得。北齊書

掛歌呼和吏

曹參代蕭何爲丞相。一遵何約束。日夜飲醇酒。卿大夫及賓客欲言至者。參輒飲醉之。終莫得言。相舍後園。近吏舍。日夜歌呼。

從吏惡之。請參遊園中。聞幸召按之。乃反取酒張飲。歌呼與應和。史記

水洒羣臣

孫權於武昌臨釣臺飲酒大醉。令人以水洒羣臣曰。今日酣飲。醉墮臺中。乃當止耳。

吳志

甕縛吏部

太興末。畢卓為吏部郎。比舍郎釀酒熟。卓因醉夜去其瓮。間取酒飲之。掌酒者謂是盜。執縛之。郎往視。乃畢吏部也。卓引主人於瓮側取醉而去。晉中興書

酣法何得

衡陽王義季素嗜酒。略少醒日。文帝詰責曰。將軍蘇微醺飲成疾。旦夕待盡。一門無

此酣法。汝於何得之。宋書

糟漿逆鼻

子產之兄曰公孫朝。聚酒千鍾。積麴成封。望門百步。糟漿之氣逆於人鼻。方其荒於酒也。不知政道之安危。人理之悔吝。室內之有無。九族之親疎。雖水火兵刃交於前。不知也。列子

醺遊玄圃

高帝幸東宮。召諸王醺飲。因遊玄圃園。長沙王晃捉華蓋。臨川王英執雉尾扇。聞喜公子良持酒鎗。南郡王行酒。武帝與豫章王嶷及王敬則自捧殽饌。高帝大飲。賜武帝以下酒。並大醉盡歡焉。齊書

神全不懼

夫醉者之墜車也。雖疼不死。骨節與人同。犯難與人異。其神全也。乘亦不知也。墜亦不知也。死生驚懼不入乎其胸。是故遇物而不懼。彼得全於酒。而猶若是。况得全於

天乎。列子

酒池肉林

紂車行酒。騎行炙。二十日爲一夜。按紂以

酒爲池。因謂以車行酒以肉爲林。因謂以
騎行炙耳。或是覆酒滂沱於地。因以爲池。
釀酒積糟。因以爲丘。懸肉似林。因言肉林
也。論衡

抵破書案

更始韓夫人尤嗜酒。每侍飲。見常侍奏事。
輒怒曰。帝方對我飲。正此時持事來乎。起

抵破書案後漢書

面折同列

馬武爲人嗜酒。闊達敢言。時醉在御前面。
折同列。言其長短。無所避忌。帝故縱之。以
爲樂笑。後漢書

搏擊左右

胡綜性愛酒。醉後謹呼極意。或推引杯觴。

搏擊左右。權愛其才。不備責也。吳志

携樽登覽

趙季仁言。朱文公每經行處。聞有佳山水。雖迂途數十里。必往遊焉。携樽酒。一古銀杯。大幾容半升。時飲一杯。登覽竟日。未嘗

厭倦。

鶴林玉露

宣勸灌死

蔡攸嘗賜酒禁中。徽宗頗以巨觥宣勸之。攸懇辭不任。杯酌將至。顛踣。上曰。就令灌死。亦不至矣。一司馬光也。鶴林玉露

洗梨花妝

洛陽梨花時。人多携酒其下。曰為梨花洗

妝。唐餘錄

濯麴蘗腸

房壽勸吳田以轆轤甕田懼其深曰但見
龍門溪水濯麴蘖腸耳叩頭錄

鼻尖挑魔

唐元載不飲羣僚百種強之辭以鼻聞酒
氣已醉其中一人謂可用術治之取針挑
元載鼻尖出一青蟲如小蛇曰此酒魔也
聞酒即畏之元載是日飲一斗五日倍是

玄山
記

毛髮識味

石裕方明造酒數斛忽解衣入其中恣沐
浴而出告子弟曰吾平生飲酒恨毛髮未
識其味今日聊以設之庶無厚薄酒中玄

携聽黃鸝

戴顓春日携雙柑斗酒人問何之曰往聽

黃鸝聲。此俗耳。鉞砭詩。腸鼓吹。高隱外書

奪履飲酒

趙廷芝安成人。作半月履。裁千紋布為之。托以精銀。縝以絳蠟。唐輔明過之。奪以貯酒。已乃自飲。廷芝問之。答曰。公器皿太微。此履有滄海之積耳。妙豐居士安成記

每日邀賓

龍山康甫。慷慨不羈。每日置酒於門。邀留賓客。不住者。贈過門錢。日費酒。鶴瓶二十。

放懷集

爭春大宴

揚州太守園中。有杏花數十畷。每至爛開。張大宴。一株令一倡倚其傍。立館曰爭春。開元中。宴罷。人或云。花有歎聲。揚州事跡

量廣雞舌

飲酒者嚼雞舌香則量廣浸半天回則不

醉酒中

醉用鮫胎

張寶常使子弟巡市乞雞鴨卵殼雞卵以
煮藥鴨卵以金絲縷海棠花名鮫胎盞醉
後畏酒時多用之就印錄

少延清歡

陶淵明得太守送酒多以春秋水雜投之

曰少延清歡數日淵明別傳

一客一婢

陳无咎宴客一客用一婢典斟必十二斟

而後使滿以盡誠敬洛都要記

金牌盈座

河間王夜飲妓女謳歌一曲。下一金牌席。

終金牌盈座。豐盈傳

吞花臥酒

虞松方春以謂握月擔風。且期後日吞花

臥酒不可過時。曲江春宴錄

鹿腸懸注

魏國夫人就屋梁上懸鹿腸於半空。筵宴

則使人從屋上注酒於腸中。結其端欲飲

則解注于杯。號洞天聖酒。酒中玄

雙珠為吉

洛陽人有妓樂者。三月三日結錢為龍。作

錢龍宴。四圍撒真珠厚數寸。以斑螺令妓

女酌之。仍各具數。得雙者為吉。妓乃作雙

珠宴。以勞主人。又各作餉緩帶。以一丸餉

舒之可長三尺者賞金菱角。不能者罰酒。

粧樓記

九吐為神

酒席之士九吐而不減其量者為酒神。醉錄

烏梅解醒

陳永陽王宿醒未解則為蜜漬烏梅每啖

不下二十枚。清醒乃已。樵人直話

毛詩代燭

倪芳飲後必有狂怪恬然不恥嘗以毛詩

卷染油代燭醉遊徹曉。醉仙圖記

晚年舊好

長安孫逢年日一醉無虛日妓妾曳綺羅

者二百餘人晚年衰憊而舊好不衰。長安後記

爭豪歌舞

隋諸葛昂高瓚爭為豪侈昂屈攢串長八尺餅闊丈餘飲粗如柱酒行自作金剛舞以送之瓚復屈昂以車行酒馬行肉確斬鱸碾蒜齏自唱夜叉歌以送之朝野僉載

花露潤肺

楊貴妃每宿酒初消多苦肺熱凌晨傍花枝吸花上露潤肺天寶遺事酒類補卷上終

酒類補卷中

茸城眉公陳繼儒采輯

酒之始終

以下四十一則補敘酒品

空桑穢飯醞以稷麥以成醇醪酒之始也烏梅女麩音完甜醪音乳九醞音豆澄清百品酒之終也酒經

酒之好惡

桓公有主簿善別酒。有酒輒令先嘗。好者謂青州從事。惡者謂平原督郵。青州有齊郡。平原有鬲縣。從事言到臍。督郵言在鬲上住。世說

古名醴酪

古有醴酪。禹時儀狄作酒。古史考

始作醪味

儀狄始作酒醪。變五味。少康作秫酒。世本

五齊之名齊音

酒正掌酒之政。令辨五齊之名。一泛齊。二

醴齊。三盎齊。四緹音體齊。五沈齊。注云泛者

成而滓泛泛然。如今宜城醪。醴者成而滓

汁相將。如今甜酒。盎者成而蓊蓊然。葱白

色。如今鄮白。緹者成而紅赤。如今下酒沈

酒真神 卷中
者成而滓沈如今造清周禮

九醞之法

漢制宗廟八月飲酎用九醞以正月旦作

酒八月成名曰酎一曰九醞一名醇酎西京

雜記

天之美祿

酒者天之美祿帝王所以頤養天下享祀

祈福扶衰養疾百禮之會非酒不行漢書

人之歡伯

焦氏易林坎之兌曰酒為歡伯除憂來樂

寶子野酒譜云蓋其可愛無貴賤賢不肖

夷夏共甘而樂之天中記

釀飲諸名

醪酒母也醴一宿成也醪渾汁酒也酎三

薰酒也。醕薄酒也。醕旨酒也。曰麟曰醜白
 酒也。曰釀曰醞造酒買之曰沽。當肆曰鑪。
 釀之再亦曰醜。漉酒曰醜。酒之清曰醜。厚
 曰醜。相飲曰配。相強曰浮。飲盡曰醜。使酒
 曰醜。甚亂曰營。音詠飲而面赤曰醜。病酒曰
 醒。主人進酒于客曰酌。客酌主人曰酢。獨
 酌而醉曰醜。出錢共飲曰醜。賜民共飲曰

醜不醉而呶曰曩。音婢說文

華夷眾品

酒則郢之富水。烏程之若下。滎陽之土窟
 春。富平之石凍春。劔南之燒春。河東之乾
 和蒲萄。嶺南之靈溪博羅。宜城之九醞。溇
 陽之湓水。京城之西市陸。蝦蟇陵之郎官
 清。河漢又有三勒漿類酒。法書波斯三勒。

謂庵摩勒毗黎勒訶黎勒。國史補
已上總敘

蘭英

漢書禮樂志云百末旨酒布蘭生。謂以百華末雜酒。芬香若蘭之生。枚乘七發云蘭英之酒。酌以滌口。

桑落

河中桑落坊有井。每至桑落時。取其寒暄

間落一張

成都府西五十里曰郫縣。郫人剝竹之大者。傾春釀於筒。包以藕絲。蔽以蕉葉。信宿馨透于林外。然後斷之以獻。俗號郫筒酒。

風俗錄

箬下一作若

吳興箬溪多生箭箬。南岸曰上箬。北岸曰下箬。土人取下箬水釀酒。極醇美。吳錄云

酒類通串 卷四
烏程若下酒。七命云。酒則荆南烏程。烏程
卽吳興縣名。

宜城

宜城醪。蒼梧清酒名也。一名宜春。王烈之
安成記云。安成宜春縣出美酒。謂之宜春
醇酎。又張華輕薄篇云。蒼梧竹葉清。宜城
九醞酒是也。

曲阿

曲阿出名酒。皆云後湖水所釀。故醇烈也。
今按湖水上承丹徒高驪。覆舟山馬林溪
水。水白味甘。寰宇記

梨花

杭州俗釀酒。趁梨花時熟。名梨花春。白樂
天杭州春望詩有云。青旗沽酒趁梨花。是

也。又圖經云。杭州食貨有梨花乾酒。酒之上者。

竹葉

吳志烏程酒有竹葉春。杜子美九日詩云。竹葉於人既無分。菊花從此不須開。又有金陵春。李白詩云。甕中百斛金陵春。又有麴米春。杜甫詩云。聞道雲安麴米春。

又有拋青春。韓愈詩云。且可勤買拋青

春。又有松醪春。見裴鉞傳奇。凡酒以春爲名者。皆取毛詩爲此春酒。以介眉壽之

義已上名品

君山

湘中記云。道士言君山左右皆有美酒。得飲之者不死。又岳陽風土記云。寺僧春時

往往聞酒香。尋之莫知其處。

蓬萊

楊羲會蓬萊仙客洛廣休。既下山半。遇許
主簿語之曰。吾為汝置酒四升。在山上。可
往飲之。此太平家酒。治人腸也。諺曰。欲得
長生飲太平。真

金液

王母會帝于嵩山。飲帝以金液流暉之酒。

又有延洪壽光之酒。

黃帝內傳

玉饋

西北荒中有玉饋之酒。酒美如玉。澄清如
鏡。上有玉尊。玉邊取一尊。一尊復生焉。與
天同休。無乾時。飲此酒。人不生死。神異經

琬琰之膏

穆王東巡大騎之谷。指春宵宮。西王母乘翠鳳之輦而來。共玉帳高會。薦清澄琬琰之膏。以為酒。拾遺記

瑤琨之碧

瑤琨去玉門九萬里。有碧草如麥。割之以釀酒。味如醇酎。帝坐神明臺。酌瑤琨碧酒。炮青豹之脯。果則塗陰紫梨。琳國碧李。仙

衆與食之。洞冥記

玄碧之香

安期先生與神女會于園丘。酣玄碧之香

酒。列仙傳

瓊粇

謝玄卿遇神女。設瓊粇酒。續仙傳

瓊蘇

南岳夫人設王子喬瓊蘇酒。上

仙漿

枸樓國有仙樹。腹中有水。謂之仙漿。飲者

十日醉。物類相感志

瑞露

田璆鄧韶携觴晚道。遇書生曰。某有瑞露之酒。釀于百花之中。不知與足下乾和五

醖孰愈耳。與飲其味甘香無比。

嵩岳嫁女記已上仙

品

洪梁

武帝思懷李夫人。親侍覺帝容愁怨。乃進洪梁之酒。酌以文螺之卮。卮出波斯之國。酒出洪梁之縣。縣屬右扶風。至哀帝廢此邑。今言雲陽出美酒。兩聲相亂矣。帝飲三

爵色悅心歡拾遺記

千里

任昉謂劉杳曰。酒有千里。當是虛言。杳曰。桂陽程鄉有千里酒。飲之。至家而醉。亦其例也。昉大警曰。吾自當遺忘。實不憶此。杳曰。出楊元鳳所撰。梁書

楮汁

又杳在昉坐。有人饋昉楮酒。而作榘字。昉問此字是否。杳曰。葛洪字苑。作木旁。若。楮音振。木名。其汁可以為酒。上

龍膏

順宗時。處士伊初。玄召入宮。飲龍膏酒。黑如純漆。飲之。令人神爽。此本烏弋山離國

所獻。杜陽雜編

澄明

武宗會昌元年。夫餘國貢火玉。才人常用
煎澄明酒。其酒亦異方所貢也。色如紫膏。
飲之令人骨香。上

露漿桂醞

同昌公主上。每賜御饌。其酒則有凝露漿。

桂花醞

上

停花懸樹

南海頓遜國有酒樹。似安石榴。採其花汁
停甕中數日。成酒甘美。南史

西南夷有樹類櫻。高五六丈。結實大如李。
士人以麩納罐中。以索懸罐于實下。倒其
實取汁流于罐。以為酒。名曰樹頭酒。雲南志

椒花

朱崖郡以土為釜。器用瓠瓢。無水。人飲石
汁。又有椒似安石榴花。着甕中。經旬即成
酒。其味香美甚。醉人。十道志

西南樅汁樹。醱對高五六丈。餘實大如李。

山海經樅汁甘為酒。齊民要術。沈約集。皮

日休集。皆有樅酒。天中記

夷釀

樹

三佛齊有柳花酒。椰子酒。檳榔酒。皆非麴
蘖取醞。飲之亦醉。扶南石榴酒。辰溪釣藤
酒。赤土國甘蔗酒。孫公談圃曰。已上異品。

舉白浮君

以下八則補敘觴政

魏文侯與大夫飲酒。使公乘不仁為觴政。
曰。飲不醕者浮。以大白。文侯飲而不盡。醕
不仁。舉白浮君。君不應。不仁曰。君令不行。

可乎。君舉白而飲畢曰。以公乘不仁為上

客。說苑

三三兩兩

王肅與孝文帝殿會。帝因舉酒曰。三三橫

兩兩縱。誰能辨之。賜金鐘。彭城王勰曰。臣

解此是習字。高祖即以金鐘賜之。

伽藍記

駝駝

進士顧非熊相國令狐楚聞其辨捷。乃改

一字令云。水裏取一鼯。岸上取一駝。將這

駝來駝。這鼯是為駝。駝駝非熊曰。屋頭取

一鴿。水裏取一蛤。將這鴿來合這蛤。是為

鴿合蛤。

紀異錄

白玉石

陶穀使越。越王因舉酒令曰。白玉石。碧波

亭上迎仙客。陶對曰。口耳王。聖明天子。要
 錢塘。宣和間。林攄奉使契丹國。其中新為
 碧室。云如中國之明堂。伴使舉令云。白玉
 石。天子建碧室。林對曰。口耳王。聖人坐明
 堂。伴使曰。奉使不識字。只有口耳王。即無
 口耳王。林詞窘罵之。幾辱命。雲麓漫抄
 或士字旁為率

宋時有以進士為舉首者。其黨人意侮之。
 會其人出令曰。以字偏旁為率。曰金銀釵
 釧鋪。次一人曰。絲綿紬絹綱。至其黨人曰。
 鬼魅魍魎。貢父詩話

體物押韻

楊大年于丁謂席上舉令云。有酒如線。遇
 斟則見。丁云。有餅如月。因食則缺。續青瑣高議

卦名證人

東坡一日會客。坐客舉令欲以兩卦名證故事一人云。孟嘗君門下三千客。大有同人。一人云。光武兵渡滹沱。未濟既濟。一人云。劉寬婢羹汗朝衣。家人小過。東坡云。牛僧孺父子犯罪。先斬小畜。後斬大畜。蓋指荆公父子也。唾玉集

鵲尾指人

以下七則補叙杯勺

陳思王有鵲尾杓。柄長而直。置之酒樽。凡王有欲勸飲者。呼之則尾指其人。朝野僉載

鶴足傾側

韓王元嘉有一銅鶴樽。背上注酒則一足倚。滿則正。不滿則傾側。上

自暖盃

內庫有一酒盃青色而有紋如亂絲其薄如紙於盃足上有縷金字名曰自暖盃上令取酒注之温温然有氣相次如沸湯遂收於內庫。唐書

又

丁石韞監花鷹權場一日數胡兒用綿裹一物至玉柱碗也表裏瑩徹無纖瑕製琢

亦工注酒頃刻即温碗底刻安美二字云

得於長安古壙中。清波雜志

破壺盃

劉卿任待制言宣和時王黼宴從官于私第各出一寶器勸酒侍見捧一物至卿任前宛若疊殼俄而瀉酒錚然有聲隨酒漲起酒滿如常盃飲盡復如故名破壺盃云

南方軟琉璃也

南墅閑居錄

碧瑤盃

杜陵韋弁遊蜀春末南出鄭氏亭有仙女曰我玉清之女此玉清宮也命酒樂宴亭中出一杯色碧而光瑩洞徹顧謂弁曰碧

瑤杯也

宣室志

鷓鴣卮

莊宗年十一從晉王討土行瑜初令入覲獻捷昭宗一見駭異之撫其背曰我兒將來之國棟勿忘忠孝於我家乃賜鷓鴣酒

卮翡翠盤

北夢瑣言

酒顛補卷中終

酒顛補卷中終

酒顛補卷下

茸城眉公陳繼儒采輯

飲酒

以下補叙詩文

晉陶淵明

有客常同止。趣捨邈異境。一士長獨醉。一夫終年醒。醒醉還相笑。發言各不領。規規一何愚。兀傲差若穎。寄言酣中客。日沒燭當炳。

清真補卷一
故人賞我趣。挈壺相與至。班荆坐松下。數
斟已復醉。父老雜亂言。觴酌失行次。不覺
知有我。安知物爲貴。悠悠迷所留。酒中有
真味。

對酒

梁張率

對酒誠可樂。此酒復芳醇。如華良可貴。似
乳更非珍。何當留上客。爲寄掌中人。金樽

清復滿。玉碗亟來親。誰能共遲暮。對酒惜
芳晨。君歌尚未罷。却坐避梁塵。

田飲引

梁朱异

卜田宇兮京之陽。面清洛兮背脩邛。屬風
林之蕭瑟。值寒野之蒼茫。鵬紛紛而聚散。
鴻冥冥而遠翔。酒沉兮俱發。雲沸兮波揚。
豈味薄於東魯。鄙蜜甜於南湘。於是客有

不速朋自遠來。臨清池而滌器。闢山牖而
飛觴。促膝。今道故久。要今不忘。間談希夷
之理。或賦連翩之章。

對酒

陳張正見

當歌對玉酒。匡坐酌金壘。竹葉三清泛。蒲
萄百味開。風移蘭氣入。月逐桂香來。獨有
劉將阮。忘情寄羽杯。

獨酌謔

陳沈炯

獨酌謔。獨酌獨長謔。智者不我顧。愚夫予
未要。不愚復不智。誰當予見招。所以成獨
酌。一酌傾一瓢。生涯本漫漫。神理暫超超。
再酌驚許史。三酌傲松喬。頻煩四五酌。不
覺凌丹霄。倏爾厭五鼎。俄然賤九韶。彭殤
無異葬。夷跖可同朝。龍蠖非不屈。鵬鷄但

酒真神 卷下
逍遙寄語號叟侶。無乃太塵囂。

賜魏證

唐太宗

醽醁勝蘭生。翠濤過玉薤。千日醉不醒。十年味不敗。

看釀酒

唐王績

六月調神麴。正朝汲美泉。從來作春酒。未省不經年。

詠酒

唐李嶠

孔坐洽浪儔。陳筵幾獻酬。臨風竹葉滿。湛月桂香浮。每接高陽宴。長陪河朔遊。會從玄石飲。雲雨出圓丘。

飲中八仙歌

唐杜甫

知章騎馬似乘船。眼花落井水底眠。汝陽三斗始朝天。道逢麴車口流涎。恨不移封

酒真神 卷下 四
向酒泉。左相日興廢。萬錢飲如長鯨吸。百
川銜杯樂聖稱。世賢宗之瀟灑美少年。舉
觴白眼望青天。皎如玉樹臨風前。蘇晉長
齋繡佛前。醉中往往愛逃禪。李白一斗詩
百篇。長安市上酒家眠。天子呼來不上船。
自稱臣是酒中仙。張旭三杯草聖傳。脫帽
露頂王公前。揮毫落紙如雲煙。焦遂五斗

方卓然。高談雄辯驚四筵。

賀知章汝陽王
璉李適之崔宗

之蘇晉李白
張旭焦遂

湖中對酒

唐張謂

夜坐不厭湖上月。晝行不厭湖上山。眼前
一樽又常滿。心中萬事如等閒。主人有黍
萬餘石。濁醪數斗應不惜。卽今相對不盡
歡。別後相思復何益。茱萸灣頭歸路賒。願

酒真補 卷下 五
君且宿黃公家。風光若此人不醉。參差辜
負東園花。

待酒

唐李白

玉壺繫青絲。沽酒來何遲。山花向我笑。正
好銜杯時。晚酌東籬下。流鶯復在茲。春風
與醉客。今日且相宜。

山中與幽人對酌

前人

兩人對酌山花開。一杯一杯復一杯。我醉
欲眠君且去。明朝有意抱琴來。

獨酌

前人

春草如有意。羅生玉堂陰。東風吹愁來。白
髮坐相侵。獨酌勸孤影。閒歌面芳林。長松
爾何知。蕭瑟爲誰吟。

月下獨酌三首

前人

酒真神 卷下
花間一壺酒。獨酌無相親。舉杯邀明月。對影成三人。月既不解飲。影徒隨我身。暫伴月將影。行樂須及春。我歌月徘徊。我舞影凌亂。醒時同交歡。醉後各分散。末結無情交。相期邈雲漢。

天若不愛酒。酒星不在天。地若不愛酒。地應無酒泉。天地既愛酒。愛酒不媿天。已聞

清比聖。復道濁如賢。賢聖既已飲。何必求神仙。三杯通大道。一斗合自然。但得醉中趣。勿爲醒者傳。

窮愁千萬端。美酒三百杯。愁多酒雖少。酒輕愁不來。所以知酒聖。酒酣心自開。辭粟臥首陽。屢空饑顏回。當代不樂飲。虛名安用哉。蟹螯卽金液。糟丘是蓬萊。且須飲美

酒乘月醉高臺

將進酒

前人

君不見黃河之水天上來。奔流到海不復回。君不見高堂明鏡悲白髮。朝如青絲暮如雪。人生得意須盡歡。莫使金樽空對月。天生我才必有用。黃金散盡還復來。烹羊宰牛且爲樂。會須一飲三百杯。岑夫子。丹

丘生。與君歌一曲。請君爲我聽。鐘鼓饌玉不足貴。但願長醉不願醒。古來聖賢皆寂寞。惟有飲者留其名。陳王昔時宴平樂。斗酒十千恣歡謔。主人何爲言少錢。且須沽酒對君酌。五花馬。千金裘。呼兒將出換美酒。與爾同消萬古愁。

將進酒

唐李賀

酒真神 卷下
琉璃鍾琥珀濃。小槽酒滴真珠紅。烹龍炮
鳳玉脂泣。羅屏繡幙圍春風。吹龍笛。擊鼉
鼓。皓齒歌。細腰舞。况是青春日將暮。桃花
亂落如紅雨。勸君終日酪酏醉。酒不到劉
伶墳上土。

與諸客空腹飲

唐白居易

隔宿書招客。平明飲暖寒。麴神寅日合。酒

聖卯時歡。促膝纔飛白。駝顏已渥丹。碧簪
攢采碗。紅袖拂骰盤。醉後歌尤異。狂來舞
可難。拋盃語同坐。莫作老人看。

何處難忘酒二首

前人

何處難忘酒。天涯語舊情。青雲俱未達。白
髮迥相驚。二十年前別。三千里外行。此時
無一盞。何以叙平生。

酒真補 卷一
何處難忘酒。朱門美少年。春分花發後。寒
食月明前。小院迴羅綺。深房理管絃。此時
無一盞。爭過艷陽天。

不如來飲酒四首

前人

莫隱深山去。君應到自嫌。齒傷朝水冷。貌
苦夜霜嚴。漁去風生浦。樵歸雪滿巖。不如
來飲酒。相對醉厭厭。

莫作農夫去。君應見自愁。迎春犁瘦地。趁
晚餽羸牛。數被官加稅。稀逢歲有秋。不如
來飲酒。相伴醉悠悠。

莫學長生去。仙方誤殺君。那將薤上露。擬
待鶴邊雲。矻矻皆燒藥。纍纍盡作墳。不如
來飲酒。閑坐醉醺醺。

莫入紅塵去。令人心力勞。相爭兩蝸角。所

得。一。牛。毛。且。滅。嗔。中。火。休。磨。笑。裏。刀。不。如
來。飲。酒。穩。臥。醉。陶。陶。

勸酒

前人

勸君一杯君莫辭。勸君兩杯君莫疑。勸君
三杯君始知。面上今日老昨日。心中醉時
勝醒時。天地迢迢自長久。白兔赤烏相趁
走。身後堆金柱北斗。不如生前一杯酒。

勸酒

唐孟郊

白日無定影。清江無定波。人無百年壽。百
年復如何。堂上陳美酒。堂下列清歌。勸君
金屈卮。勿謂朱顏酡。松柏歲歲茂。丘陵日
日多。君看終南山。千古青峩峩。

勸酒

唐李敬方

不向花前醉。花應解笑人。只憂連夜雨。又

酒真補 卷下
過一年春日。日日無窮事。區區有限身。若非
杯酒裏。何以寄天真。

勸酒

唐武瓘

勸君金屈卮。滿酌不須辭。花發多風雨。人
生足別離。

酒中十詠序

詩不佳
不錄

唐皮日休

鹿門子性介而行。獨於道無所全。於木

無所全。於進無所全。於退無所全。豈天
民之眷者耶。然進之與退。天行未覺於
余也。則有窮有阨。有病有殆。果安而受
耶。未若全於酒也。夫聖人之誠。酒禍也。
大矣。在書爲沈湎。在詩爲童殺。在禮爲
豢豕。在史爲狂藥。余飲至酣。徒以爲融
肌柔神。消沮迷喪。頽然無思。以天地大

順爲提封。傲然不持。以洪荒至化爲爵。賞抑無懷氏之民乎。葛天氏之民乎。苟沈而亂。狂而酗。禍而族。真蚩蚩之爲也。若余者。於物無所斥。於性有所適。真全於酒者也。噫。天之不全余也。多矣。獨以翹彙全之。抑天猶幸於遺民焉。太玄曰。君子在玄則正。在福則冲。在禍則反。小

人在玄則邪。在福則驕。在禍則窮。余之於酒。得其樂。人之於酒。得其禍。亦若是而已矣。於是徵其具。悉爲之詠。用繼東臯子酒譜之後。夫酒之始名。天有星。地有泉。人有鄉。今總而詠之者。亦古人初終必全之義也。天隨子深於酒道。寄而請之和。

和皮襲美酒中十詠

唐陸龜蒙

酒星

萬古醇酎氣。結而成晶熒。降爲嵇阮徒。動與樽壘并。不獨祭天廟。亦應邀客星。何當八月槎。載我遊青冥。

酒泉

初懸碧崖口。漸注青谿腹。味旣敵中山。飲

寧拘一斛。春疑浸花骨。暮若酣雲族。此地得封侯。終身持美祿。

酒藟

山齋醞方熟。野童編近成。持來歡伯內。坐使賢人清。不待盎中滿。旋供花下傾。汪汪日可浥。未羨黃金贏。

酒牀

六尺樣何奇。谿邊濯來潔。槽深貯方半。石
重流還咽。間移秋病可。偶聽寒夢缺。往往
枕眠時。自疑陶靖節。

酒壚

錦里多佳人。當壚自沽酒。高低過反坫。大
小隨圓甌。數錢紅燭下。滌器春江口。若得
奉君歡。十千求一斗。

酒樓

百尺江上起。東風吹酒香。行人落帆上。遠
樹涵殘陽。凝睇復凝睇。一觴還一觴。須知
凭欄客。不醉難爲腸。

酒旗

摇摇倚青岸。遠蕩遊人思。風欹翠竹杠。雨
澹香醪字。纔來隔煙見。已覺臨江遲。大旆

非不榮其如有玉事。

酒樽

黃金卽爲侈。白石又太拙。斷得奇樹根。中
如老蛟穴。時招山下叟。共酌林間月。盡醉
兩忘言。誰能作天舌。

酒城

何代驅生靈。築之爲釀地。殊無甲兵守。但

有糟漿氣。雉堞屹如狂。女墻低似醉。必若
據而爭。先登儀狄氏。

酒鄉

誰知此中路。暗出虛無際。廣莫是隣封。華
胥爲附麗。三杯聞古樂。伯雅逢遺裔。自爾
等榮枯。何勞問玄筴。

容南太守合酒詩

序并

宋羅大經

余頃在太學時。同舍以思堂春合潤州
壯。府兵厨以慶遠堂合嚴州瀟灑泉飲
之甚佳。余曰。不剛不柔。可以觀德。非寬
非猛。可以觀政矣。厥後官於容南。太守
王元邃以白酒之和者。紅酒之勁者。手
自劑量。合而爲一。殺以白灰。一刀圭。風
韻頓奇。索余作詩。余爲長句云。

小槽真珠太森嚴。兵厨玉友專甘甜。兩家
風味欠商略。偏剛偏柔俱可憐。使君袖有
調元手。鷓鴣杓中平等分。更憑石髓媒妁
之。混融併作一家春。季良不用笑伯高。張
竦何必譏陳遵。時中便是尼父聖。孤竹柳
下成一人。平雖有智難獨任。勃也未可嫌
少文。黃龔丙魏要兼用。姚宋相濟成開元。

酒真神 卷一
試將此酒反觀我胸中問學當日新更將
此酒達觀國宇宙皆可歸經綸書生觸處
便饒舌以一貫萬如斲輪使君聞此却絕
倒罰以大白眠金樽

月下傳杯

宋楊誠齋

老夫渴急月更急酒落杯中月先入領取
青天併入來和月和天都蘸濕天既愛酒

自古傳月不解飲真浪言舉杯將月一口
吞舉頭望月猶在天老夫大笑問客道月
是一團還兩團酒入詩腸風火發月入詩
腸冰雪溼一杯未盡詩已成誦詩向天天
亦驚焉知萬古一骸骨酌酒更吞一團月

酒箴

漢楊雄

觀瓶之居居井之湄處高臨深動常近危

酒醪不入。藏水滿懷。不得左右。牽於纏微。一旦車礙。爲寃所輻。身投黃泉。骨肉爲泥。自用如此。不如鴟夷。鴟夷滑稽。腹大如壺。盡日盛酒。人復借沽。常爲國器。託於屬車。出入兩宮。經營公家。由是言之。酒何過乎。

與曹操書

漢孔

融

酒之爲德久矣。古先哲王。類帝禋宗。和神

定人。以濟萬國。非酒莫以也。故天垂酒星。之曜。地列酒泉之郡。人著旨酒之德。堯不千鍾。無以建太平。孔非百觚。無以堪上聖。樊噲解卮。鴻門非豕肩鍾酒。無以奮其怒。趙之廝養。東迎其王。非引卮酒。無以激其氣。高祖非醉。斬白蛇。無以暢其靈。景帝非醉。幸唐姬。無以開中興。袁盎非醇醪之力。

無以脫其命。定國不酣飲一斛。無以決其
法。故酈生以高陽酒徒著功於漢。屈原不
舖糟歠醢。取困於楚。由是觀之。酒何負於
政哉。

又書

前人

昨承訓荅。陳二代之禍。及衆人之敗。以酒
亡者。實如來誨。雖然。徐偃王行仁義而亾。

今令不絕仁義。燕噲以讓失社稷。今令不
禁謙退。魯因儒而損。今令不棄文學。夏商
亦以婦人失天下。今令不斷婚姻。而將酒
獨急者。疑但惜穀耳。非以亾王爲戒也。

與兄子秀書

梁陳 暄

具見汝書。與孝典。陳吾飲酒過差。吾有此
好。五十餘年。昔吳國張公亦稱耽嗜。吾見

張公時仍已六十。自言引滿大勝少年時。吾今所進亦勝於往日。老而彌篤。唯吾與季舒耳。昔阮咸阮籍同遊竹林。宣子不聞斯言。王湛能玄言巧騎。父子呼為痴叔。何陳留之風不嗣。太原之氣歸然。翻成可怪。吾既寂寥當時。朽病殘年。產不異於顏原。名未動於卿相。若不日飲醇醪。復欲安歸。

汝以飲酒為非。吾以不飲為過。昔周伯仁渡江。唯三日醒。吾不以為少。鄭康成一日三百盃。吾不以為多。然洪醉之後。有得有失。成廝養之志。是其得也。使次公之狂。是其失也。吾嘗譬酒猶水也。可以濟舟。亦可覆舟。故江諮議有言。酒猶兵也。兵可千日而不用。不可一日而不備。酒可千日而

不飲不可一日而不醉。美哉江公。可與同
論酒矣。汝驚吾墮車侍中之門。陷池武陵
之第。遍市朝野。自言憔悴。丘也幸。苟有過
人必知之。吾平生所願。身沒之後。題吾墓
云。陳故酒徒陳君之神道。若斯志意。豈避
南征之。不復賈誼之慟哭者哉。何水曹眼
不識盃鐺。吾口不離瓢杓。汝寧與何同日

而醒與吾同日而醉乎。政言其醒可及其
醉不可及也。速營糟丘。吾將老焉。

酒顛補卷下

終

清真補
卷下

三三

